

北京日報

第二百零九冊

代表人朱洪

論說

二月二十四日

中國之朋友（記英人反對鴉片貿易事）三續前稿

地方大會演說禁鴉片問題

朱鼎馨譯

地方紳士大會時我禁鴉片貿易會會員阿勒山大氏演說略謂我英國不能為中國除去鴉片之害以中國亦自種鴉片也云云辭未達意我書記員即接演云我不承認此言中國自種鴉片我可聽之在我英國祇須設法加增別樣產物以為捐棄鴉片稅之彌補而已鴉片貿易一日不禁則我英國之罪孽日深一日不特貽害中國且將激怒上帝修德遠戾分所應爾夫復何疑今日地方大會應議之事甚多而以禁鴉片問題為最要云云眾皆鼓掌

會員阿勒山大氏論中國禁鴉片書

我英國今欲禁鴉片貿易而不與中國政府會商辦法斷無成效蓋我英國能使印度不種鴉片或禁印度鴉片不出口而不能禁中國不自種鴉片吾恐中國見印度鴉片不來方且易嘉穀之良田盡為鴉粟之產地矣

中國政府議廢鴉片貿易之約非一次矣路伯夏德曰中國之欲廢約非真自禁鴉片也如我英國馳一紙書與中國政府議禁鴉片問題吾意中國政府或答稱外來鴉片可禁內地自種毋勞過問其今之不得不與我貿易者以有約章縛之也

余昔在天津李鴻章嘗語余云中國人無不知鴉片之為害者鄙意謂李鴻章云云特代表上等社會言之至於蚩蚩小民飲鴆如飴方且謂禁鴉片為不便其能自脫於黑籍吾茲未能信也

然則禁鴉片問題作罷論乎曰否否以上云云皆臆測之詞未可以概中國也一千八百六十九年中國曾提議禁鴉片問題其質來之照會如下

大清國總理各國事務衙門為照會事自鴉片貿易敝國受害最深本大臣現擬奏請 大皇帝嚴禁臣民吸食鴉片敬告貴國先將印度產鴉片地方改種五穀或木棉則貴國屬地可收他種物產之利敝國之消耗於鴉片者漏卮亦塞貴國誠能照辦則造福於敝國匪淺我兩國邦交從此益篤矣貴國素重公德想表同情他日世界史上放一絕大光明在



第一舉惟貴國圖之須至照會者右照會 大英國欽差駐紮中華全權大臣

英兩國政府協商禁止鴉片貿易問題此吾向所持論如是也我英國駐印度大臣能否起道德觀念毅然以禁鴉片政策自任我不敢必要之此政策之實行戶部大臣之力為多鴉片稅為歲入一大宗必先另籌抵償之款然後由外務

大臣照會中國嚴訂禁令彼此勿得栽種鴉片此事終有辦到之一日也

日本鴉片禁改施之臺灣而效矣今者美國政府亦步日本之後塵而施鴉片禁令於菲獵賓其辦法由國家設鴉片專賣公司凡有鴉片癖者驗明給予執據方准購吸並一面選製戒烟藥多立戒烟院使吸鴉片者日減一日立限禁絕此法之最善而易行者也我國政府宜於此時禁印種鴉片然後忠告中國內地一律禁種具限制吸鴉片之法悉仿美獵賓中國政府有不樂從者乎

一千八百九十九年七月間沙士伯利公爵嘗發一極警策之議論謂中國如危樓我國以大本堵撐之使不隕墜并須勸其抵禦或振其商業云云所謂抵禦者非以甲兵抵禦外侮之謂乃指鴉片言之也

一千八百九十一年格利非士君對於禁鴉片問題嘗作歌云驅鴉片之魑魅兮唯中英同荷戰鬪上帝實臨汝兮禍福其自擇一千九百零五年勸於倫敦皇后大道一百八十一號

已完

## 譯電

英大臣對華工之政策○西歷三月十七號路透電云英國殖民大臣(威士動)已決計禁止販運華人前往(杜蘭斯哇)議定禁例兩條(一)宣示各處領事官不准與販商通同作弊(二)杜蘭斯哇政府所擬之工人條款我英政府萬難照准以其有侵我英國主權也(威士動)又云南非洲礦廠主人常有虐待華工之事須極力禁止云英大臣對屬地之言論○同日又電云英國大臣(巴爾福)及(張伯倫)警告政府謂辦理屬地自治制度實為最危險之政策云

俄裁陸軍未成○同日又電云(克利)君在下議院創議裁撤陸軍一萬名當時投票反對者二百九十六人贊成者僅五十六人

府不贊非獵賓戰事○同日又電云大(帥)烏德(烏德)宣布非獵賓戰爭一節已為華盛頓下議院議論所屈服蓋

美政府之意不欲以此草菅人命云

日俄互派專使○同日又電云日俄互商各派專使重敦睦誼現俄皇擬派一大公赴日本日皇則擬派一親王赴俄云

## 要緊新聞

考訂裁判法之談判○伍侍郎編定裁判法二百九十六條交與法律館司員參訂已一月有餘矣本月二十二日伍侍郎復到法律館集各司員共議時有留學日本政法科卒業生章君仲和曹君汝霖等共預參訂章曹兩君初擬博採日本裁判各法加入伍侍郎謂日本裁判法千餘條甚為完密今我國初改制度當求簡而易行若太完密則必不能行如此則有名無實矣不如先就今日中國之程度編輯大概務求可行為度俟將來我國程度日進則此等法律逐漸增添蓋今日之所編定者乃係基址而已條例宜簡且須合於今日之程度又要包孕深遠可為後日增加精密之地步方可譬如治病當病人最沈重之時驟投重劑恐病者受不住不如從緩入手之為佳也章曹諸君皆以為然沈侍郎亦肯肯云

戶部司員之條陳○日前戶部某司員上一說帖於堂官大畧謂書吏暫緩裁撤而部內設十四司殊覺繁冗請裁併為八司等語各堂大不以緩裁書吏之說為然而裁併八司之議頗頗為許可云

刑部堂司津貼之階級○去歲改答杖為罰金已奉 旨允准由刑部咨行各省遵照并酌以每縣百金為率提解刑部作堂司各官津貼茲各省已陸續解到聞議定尚書每月一百六十金侍郎每月一百二十金秋審處提調坐辦每月六十金各司掌印主稿每月四十金幫印幫稿每月二十金其餘俱每月十金云

新民屯日人買地之交涉○奉天來函言日人在新民屯強買民地該府沈太守稟請趙大帥設法禁阻刻下日人尚未允肯云

允准英商在沙堤行輪○怡和洋行要請在沙堤行輪一案經英使與外部磋商半年尚無定議現據閩關稅司查復以沿途所經均是海灣尚無窒礙之處聞政府業經允准並已咨行福州將軍發給內河行輪執照矣

咨送章程到部○山東五處礦章魯紳屢欲全廢經東撫楊連帥另訂章程八條業誌本報茲悉此項章程業已咨送到部並云已飭該德商遵照商部礦章辦理處應維持礦利保守主權即是極力補救若五礦全廢則其難辦到云云



桂林挽留李經羲○桂林專函云新調桂撫林中丞抵任後李中丞原擬即行回籍嗣因林中丞歷次函電堅留以便詳詢一切情形故李中丞不得已逗留多日至本月初旬始行由湘東回籍云

允准展限販牛出口○廈門禁牛出口一案外部已允准英美兩使之請洋商訂售牛隻合同在廈道未示禁之前者量予限期准其出口以後概行禁止

義使催辦商約○駐京義國公使近向外部提議改訂中義通商條約外務部答以俟中德通商議約竣結之後當即開議中義條約云云

南昌縣江大令遺稟○敬稟者竊上年新昌棠浦民教滋事一案外匪造謠煽惑教民雜處其中勢甚岌岌卑職當奉憲檄前往開導冒險入村曉諭解散交出兩犯得不釀成大事乃法教士王安之未遂私圖轉相責難近復以在港案內監禁五犯要求開釋未允疾視益深前月二十七日王安之以有要事商酌函約卑職於二十九日赴堂聽飲辭謝未獲遂於是日下午三點鐘隨帶茶號家丁各一人前往該堂王安之阻止從人不准隨入及至入坐談及公事勒令將棠浦一案辦抵三人給賠恤銀十萬兩並將港案內監禁人犯全行開釋以理答之王安之異常恫嚇聲言如不應允即立時以爾之性命抵償棠浦教民否則電知領事派撥兵輪督辦卑職因其語言狂悖即欲辭出該教士謂事未議妥不許行走卑職慮其非理相加偽為小解走出廳門密令家丁往請新建趙令席終趙令未至該教士復邀入密室出示議約立逼簽字卑職仍以正言力拒詎該教士愈加無理勢將用武卑職見其神色暴戾即託故走出其時中門扇閉無路可走祇得避至司事劉姓房內央其勸解乃該教士從後起至授以一刀一剪逼言汝死案即可了卑職氣忿填膺該教士喝令二人強執卑職兩手用力一刀復用剪猛截咽喉卑職血流滿面不知事現在傷重垂危因公殞命死不足惜惟該教士飾詞邀飲屏絕僕從始而恫嚇繼而逞凶蓄意預謀戕殺印官為寰球從來未有之事應請大人委員秉公查辦以存國體伏枕哀鳴仰乞垂鑒

日本議定滿洲鐵道之連絡○東京電言日本議將滿洲諸線之鐵道統改修為軍用輕便之鐵軌以連接于東清撫順之各鐵道云

法兵滋事○本月十七日有法國使館之衛隊兵在御河橋上毆打過往華人並且攔截婦女當時有巡警勇出而禁阻該法兵恃強弗卹聞此事已由警部轉咨外部向該國公使理論矣

### 本京新聞

日本歸還遼陽礦地○奉天遼陽礦地前經俄人附股合辦天利公司出煤甚旺後為日人戰時所據近由外商部電詢奉天將軍趙留守知俄人股金已照數退還因與日使內田君理論聞已交回中國自辦云

籌款速築川藏鐵路○川督錫鄒督張會電政府以英既許中國築西藏鐵路即宜從成都至拉薩建築云云政府已允其請並飭速籌款藏約畫押後即實行

請各鄂督派軍駐藏○川督錫駐藏大臣有奏因藏番時欲蠢動藏兵單薄電請咨飭鄂督張選派新軍十營駐拉薩川藏交界處鎮攝政府已允轉咨

鴉片專賣辦法尚有變更○鴉片專賣一事近因外界頗生阻力故變法又略須更動聞鄂督張香帥近接財政處來電擬改爲十二省合辦將原有之膏捐加抽五成至產煙之地仍行限禁多播煙種云云並聞此議乃赫稅司所獻謂如此辦理有專賣之實無專賣之名較易舉行云

外部照會力保保護使館地界○日前京師撤兵之事經德使穆君主持有成礦外部因東交民巷為各使館地界其石路亦係各國所修現更特立路牌以限制行人茲值將屆撤兵之時亟宜乘勢挽回主權故於日前照會英國公使畧謂貴國及各國撤兵之後敝國即派巡警保護使館地界所有交民巷失修之路亦由敝國修理云云

商部不允袁袁兆祥漁業監督等職○升道袁袁兆祥在滬道時曾奉商部委辦商務等項聞官及漁業監督等事務嗣因交卸道篆爰於日前電致商部力辭漁業監督等職請派新任理觀察接辦旋准電復以此事前經奉准派委係屬註重並非應歸滬道專政且恐與原奏不符是以碍難照辦請勿過辭云云

移交奉天城門○奉天八門向有日軍把守近經日軍政署始將守門之兵撤退交中國兵接管已由該處官場運到消息來京矣

英使請更易新聞曉撫○英薩使日前詣外部晤唐侍郎力言新聞曉撫人地不宜恐難勝任請告慶邸奏明更易唐侍郎已拒其請

小歐詳按日膠澳事起德人要撤巡撫李秉衡之任其後山東巡撫一缺張人駿不知而腦數月去官繼派周福明



使須先查知其無耻之聲據知其力之足以左右我也遂無不以媚外爲宗旨嗣至外國巡兵闖至撫署亦開中門以相迎管工粗人竟直登謁藩台託其代僱驛車一輛種種笑柄實不忍言州縣承風更不待問矣今新簡皖撫外人復以人地不宜相干預夫皖撫之人格何如予實不知但政府之所有權淺言之則不過能富貴人左右人耳若亦可以由人干預則政府尙有何權無怪唐侍郎之峻拒也

## 各省新聞

晉省實業之進步○(山西)山西農務森林學堂年來辦理頗著成效前經各森林現案預算表查驗已活十分之七略計二百餘萬株該教習因擬稟請大憲親往各屬相度土宜考其性質逐漸推廣以爲晉省鐵路礦廠儲蓄美善之材料云

安徽鐵路總辦查院撫文○(安徽)爲咨請事照得安徽全省奏辦鐵路所有路線先由蕪湖至廣德州南幹一路造起前經咨明貴部院查照在案本京堂現在已將工程師選定於本年正月開工勘路所派工程師係哪哪國人勞克又日本工學士管野苞並帶同小工夫役等由蕪湖江邊起勘至廣德州接通浙江之泗安鎮爲止勘過路線所插標竿關係工程勿得任人擅自移棄所有插標地畝將來鐵路需用本公司自當一律給價各業主切勿疑慮誤會請貴部院飭行沿途各地方出示曉諭並責成各圖保甲將此項標竿妥爲看守至洋工程師經過之處尤須派役沿途妥慎保護以昭周密相應備文咨請爲此合咨貴撫院請煩查照迅飭施行

照錄旅滬廣東紳商爲粵漢鐵路集股事公啓○(上海)吾粵因鐵路籌款事大吏主官辦加派雜捐商民以各捐已重萬難加派擬照原議招股商辦以致官商衝突全省代表遽被拿革凡我粵民無不憤慨然非先行集股實有把握不足操勝算而免苛捐現在省垣議設五元股票數日間集股數百萬昨接廣東七十二行暨八善堂公啓並招股章程分致各埠擔任路招股以期衆擎易舉早日集事凡我僑梓自應踴躍襄助俾得捐可免鐵路可成爲全粵爭氣即爲黎梁雪恥茲將旅滬紳商代理招股簡章列後

- 一粵漢鐵路現在廣東紳商議定粵路招股商辦每股銀五元
- 一本處代理鐵路招股章程悉照廣東鐵路公所章程辦理
- 一本處代招股先收每股銀式元五角七二兌給領收條爲憑容換廣東鐵路公所股票應得權利悉照公共章程

一銀式應照廣東鐵路公所訂定銀式照兌今權宜先收七二兌規銀容代繳交時如有銀水盈餘算還股友

一公議代招股之股份已收之股款暫貯錢莊應俟粵路奉有明文訂歸商辦然後彙繳

一公議代收兌款應由廣東公所潮州會館管理並發收條

集股創舉紗廠○(浙江)紹興土產棉花近年大半由洋莊採辦出口數甚浩繁前由陳紳等在蕭山創設機器紡紗廠因花價及女工并開支等無不廉儉頗獲厚利刻又有紳商數人議於產花最旺之餘跳縣境建立紡紗廠業籌股本十二萬金已投省稟請農工商務局立案并擬求請暫免經過各關卡捐稅未識能邀允准否

## 各國新聞

世界農業之收穫期○(各國)世界農作物之收穫時期隨風土氣候而各有不同茲特順次表明如下

亞細亞	爾然丁	智利	新英洲正月	東印度	上埃及及二月與三月	西里亞及埃及海岸地方四月	亞耳塞里	中亞細亞	中部支那	福耳達五月	土耳其	希臘	意大利	西班牙	葡萄牙	南方法蘭西	北亞美利加六月	澳地利	匈牙利	南南露西亞	德國	瑞西	北方法蘭西	北美紐約一帶	北部加拿大七月	白耳義	和蘭	英吉利	丁抹	波蘭	南部加拿大八月	蘇格蘭	瑞典	那威	北方露西亞九月與十月	秘魯	南阿非利加十一月	緬甸十二月
-----	-----	----	-------	-----	-----------	--------------	------	------	------	-------	-----	----	-----	-----	-----	-------	---------	-----	-----	-------	----	----	-------	--------	---------	-----	----	-----	----	----	---------	-----	----	----	------------	----	----------	-------

美商決議創行貿易海船○(美國)美洲商界設法擴充出口貿易不遺餘力紐約出口公司稟請外部贊成浮水賽會事聞已允許并津貼巨款補助其法用最大海船一隻分設部分滿裝貨物遊行地球尤注意中國商務其宗旨如後一擴充出國貿易推廣本國製造 二散布貨樣演說用法 三令製造家得知銷路底細何處銷用何品某式爲合宜某于某國無銷路某國進口比較若何 四定轉運章程俾商務得種種之利便 五介紹本國製造家與外國買者直接交易并雇用土人調查及開通商務機關俾直達擴充出口之目的 六買主可逕投各製造家之代表人以省扣用而使價廉 按吾國工業正在困難之時更遭如此競爭工人存亡甚難預卜我國商界學界幸早設法維持之

## 調查



日本三十九年分歲入歲出總豫算表

輸出交付金

國債整理基金繰入

國庫豫備金

第一豫備

第二豫備

大藏省所管合計

陸軍省所管

陸軍本省

俸給及諸給

廳費

修繕費

旅費

雜給諸雜費

諸給與費

糧秣費

衣服費

馬匹費

軍車費

俸給及諸給

廳費

修繕費

(續)  
共計一六四四六八  
共計一四六〇八八九四三

一〇〇〇〇〇〇〇  
一〇〇〇〇〇〇〇  
共計二〇〇〇〇〇〇〇  
二一九四三一九〇〇

一五八九五三  
三一五〇〇

三六七五  
一〇四二五

二二五八五  
五八〇八

一五五六三  
一二〇

共計二五七〇二六  
八三九七

一三三三二八一九  
七六九二二一

八〇九八〇三

死傷恤賜

賠償及訴訟費

旅費

雜給及雜費

諸給與費

外國駐在員費

糧秣費

衣服費

兵器彈藥費

三九六一  
二一四〇  
一四七六六〇五  
九一三六六八  
七七八四七一  
一一八五六八  
一五九八二六〇五  
五九八三一五二  
四三四四四九八

(未完)

### 宮門抄

二月二十三日 吏部 翰林院 正黃旗值日 侍衛處引 見一名 吏部五十五名 商部三名 理藩院十五

名 廂紅漢一名 洵貝勒由 西陵回京請 安 興伯由 白龍潭回京請 安 于齊慶 吳蔭培預備

召見 吏部奏派驗看月官 派出李殿林 陳邦瑞 李絳藻 胡燏棻 溥興 紹昌 溥綱 陸寶忠

茹泰 徐士佳 陳恆慶 儼忠 英奎 蔡金台 杜本崇 惠裕

召見軍機 于齊慶 吳蔭培

### 上諭

二月二十三日奉

上諭崇善奏特奏庸劣不職各員一摺福建崇安縣知縣陸錦燧聲明平常抄有案長泰縣知縣王思聰嗜好甚深難期振作汀州府經歷張應泰聲明平常長泰縣學教諭張秉奎性情浮躁試用縣丞趙長慶行止詭譎霞浦縣三沙巡檢林廷璋性情貪鄙惠安縣典史沈忠亮不知遠嫌均著即行革職汀軍同知陶濟福年衰多病著勒令休致長汀縣知縣文達措置未宜審察縣知縣林景綬聽斷稍懈漳浦縣知縣盧元樟措施失當均著開缺另補汀州鎮總兵敖天



印年力已衰難膺閩寄福州城守協副將姜河清年老才庸難期振作均着勒令休致餘着照所議辦理該部知道欽此

福建汀州鎮總兵員缺着段祺瑞補授欽此  
杭州織造仍着盛桂接管欽此

### 批摺摘由

政務處二件

奏請奏換鑄添鑄改鑄印信關防條記共四十三顆奉 旨知道了 又奏議覆已故原任禮部尚書朱崢入祀鄉賢祠事 旨依議 考察政治大臣端方奏摺一封奉 旨留 考察政治大臣戴鴻慈等奏摺一封奉 旨留 商約大臣呂海寰奏摺一封奉 旨留 御史李灼華封奏一件奉 旨留 宗人府奏陪禮單奉 旨知道了 刑部奏審明松山圖姦未成致殺子婦身死事奉 旨依議 又奏審明盜犯王淋子等按例定擬事奉 旨依議 又奏核議劉行扎傷小功兄身死事奉 旨依議 又奏核議宋法旺等發塚見屍事奉 旨依議 又奏核議史如蘭等命盜各案彙奏事奉 旨依議 又奏核議陳昆山等命案彙奏事奉 旨依議 又奏核議潘兆柏等命案彙奏事奉 旨依議 又奏核議安事奉 旨依議 又奏核議黃氏等尋常命案彙奏事奉 旨依議 又奏核議白覺情等尋常命案彙奏事奉 旨依議 又奏核議趙錦標等尋常命案彙奏事奉 旨依議 又奏核議謝禾尚等尋常絞犯彙奏事奉 旨依議 又奏核議趙錦標等命盜各犯彙奏事奉 旨依議 又奏核議范得才等命案彙奏事奉 旨依議 又奏查辦軍流減等事單一件奉 旨依議 領侍衛內大臣奏請派西苑代進內大臣事奉 旨派出壽耆阿霖 步軍統領衙門奏呈詞彙奏事單一件奉 旨知道了 又奏餉辦進城數目事單一件奉 旨知道了 又奏現需月摺奉 旨知道了

### 奏稿

品頂戴廣西巡撫署貴州巡撫臣林紹年跪 奏為黔省各屬經徵光緒三十年分地丁正耗銀兩截至年底已未完解數目恭摺具 奏仰祈 聖鑒事竊查前准戶部咨辦縣徵收錢糧所有徵存銀兩儘數提解司庫並令將每年上

(一十)

忙徵過若干下忙徵過若干各未完若干留支若干實應解存司庫報部若干造具簡明總冊詳報督撫專摺具奏又徵解耗羨等銀遵照本部奏定章程隨同正項錢糧一併歸入上下兩忙冊報以昭核實又經徵正項錢糧悉照江蘇辦法以實應徵起運存留銀數作為十分計算若有未完按照分數查參不准將存留數目剔除亦不准將緩徵數目附列已完項下督徵人員亦照此例核定處分通行各省自光緒十三年開報十二年分地丁未完一分以上職名並未案奏銷起遵照此次奏章辦理各等因均經行司轉行各屬遵照在案並以黔省徵收錢糧定例九月開徵以年底完半作為上忙次年三月全完作為下忙因軍興後造辦考成之舉實與創辦無異若依舊限勢難趕辦應照舊限上下兩忙均各展緩一月以免貽誤等情前經 奏明立案並將十二年起至二十九年止經徵丁耗銀兩遵照辦理在案茲據布政使袁開第詳稱據各府廳州縣將光緒三十年分自九月初一日開徵起至年底止徵存地丁耗羨銀兩儘數批解前來查各屬應徵光緒三十年分地丁銀十二萬一千六百六十四兩七錢二分七釐內除改徵米石銀二萬八千一百三十五兩一分四釐應由糧儲道造報徵收又除存留坐支各屬驛站經費並俸工等銀二萬八千九百三十三兩二錢二分七釐外實應起解司庫銀六萬四千五百九十九兩四錢八分六釐查各屬共已完銀四萬五千二百九十四兩一錢八分九釐尚有未完銀一萬九千三百五兩一錢九分七釐又額徵耗羨耗米官田租米變價共銀二萬五千六百二十六兩一錢七分五釐內除威甯州被水淹沒 奏報缺額耗羨耗米銀二十九兩七錢二釐外實徵銀二萬五千五百九十六兩四錢七分三釐又除例准坐支各官養廉銀一萬五千一百五十五兩六錢六分五釐實應起解司庫銀一萬四千四百四十五兩八錢八釐查上忙限內應完耗羨耗米已完銀六千九百五十九兩六錢八分二釐未完銀三千四百八十六兩一錢二分六釐詳請核 奏前來臣覆查無異餘飭司將下忙未完地丁耗羨等銀催令各屬掃數完解並冊咨部查照外謹恭摺具 奏伏乞 皇太后 皇上聖鑒謹 奏奉 硃批戶部知道欽此

頭品頂戴江蘇巡撫臣陸元鼎跪 奏為陳明蘇省認籌新定賠款自光緒三十一年六月分第七期起至十一月分第十二期止均經按月勻解清款並劃撥疏浚黃浦浦工費恭摺仰祈 聖鑒事案查江蘇省奉派賠款銀二百五十萬兩由蘇藩司認籌銀八十萬兩勻分十二期攤付每期應解銀六萬六千六百六十兩按關平交還每關平百兩加補水銀一兩六錢四分三釐自光緒二十七年第一期起至三十一年五月分第六期止均經按月解清並因疏浚黃浦浦工費無著經督臣札飭三十一年賠款項下提解銀五萬兩以濟工需亦由蘇藩司按期分別提解 奏報在案茲查自光緒三



十一年六月第七期起至十一月第十二期止計每月應攤賠款銀六萬二千五百兩又疏浚黃浦工費每月應攤銀四千一百六十六兩六錢六分六釐並補零尾共銀四十萬兩四釐又按關不加補水銀六千五百七十二兩二釐統共銀四十萬六千五百七十二兩六釐均經按月解交江海關兌收分別備還撥付現屆半年期滿據蘇州布政使濮子潼具詳請 奏咨前來臣覆核無異除分咨外務部戶部查照外謹會同署兩江總督臣周馥恭摺具 奏伏乞 皇太后 皇上聖鑒謹 奏奉 硃批該部知道欽此

頭品頂戴江蘇巡撫臣陸元鼎跪 奏為蘇州關第一百七十二結期內徵收土藥稅釐銀兩並開支數目繕具清單恭摺仰祈 聖鑒事竊照蘇州關徵收華商洋藥稅銀數目業經造報至一百七十一結止恭摺會 奏在案茲據蘇州關道陸鍾琦詳稱自光緒二十九年閏五月初七日起至八月初十日止第一百七十二結期滿徵收華商土藥出口正稅銀九兩零除開支外連同上結共實存銀二千三百三十一兩零係應備還蘇州 埠通商建關原借蘇糧道庫之項并備解撥補蘇滬釐金等款開具冊摺詳請 奏咨前來臣覆核無異除將該關冊摺分咨外務部戶部查照外理合會同署理通商大臣兩江總督臣周馥核繕清單恭摺具陳伏乞 皇太后 皇上聖鑒謹 奏奉 硃批該部知道單併發欽此

頭品頂戴江蘇巡撫臣陸元鼎跪 奏為蘇州關第一百七十二結期內徵收稅 井開支數目繕具清單恭摺具 奏仰祈 聖鑒事竊照蘇州關埠通商設立稅關業將徵收稅鈔截至一百七十一結恭摺會 奏在案茲據蘇州關道陸鍾琦詳稱自光緒二十九年閏五月初七日起至八月初十日止第一百七十二結期滿共徵洋商船隻進口正稅除存票抵完外實徵銀一千四百六十一兩零洋商出口正稅銀六千三百九十四兩零洋商復進口半稅銀七百五十三兩零洋商船鈔銀七兩零華商船隻進口正稅除存票抵完外實徵銀三千六百四十一兩零華商出口正稅銀一萬八千七十一兩零華商復進口半稅除存票抵完外實徵銀二千六百八十兩零華商洋貨入內地子口半稅銀八兩零華商船鈔銀二十五兩零共徵收各項稅鈔銀三萬三千四百三十三兩零除支銷餉火耗並解江海關徵收稅銀總稅務司七成船鈔蘇州關額支經費等款外連同上結共實存銀一十四萬二千五百兩零係應備還蘇州從前開埠通商建關原借蘇糧道庫之項並備解撥補蘇滬釐金等款理合分造清單詳請 奏咨前來臣覆核無異除將送到原冊分咨外務部督戶部查照外理合會同署理通商大臣兩江總督臣周馥核繕清單恭摺具 奏伏乞 皇太后 皇上

聖鑒 奏奉 硃批該部知道單併發欽此

陸元鼎片 再蘇藩司應解旗兵加餉加撥邊防經費加復俸餉三款奉部留作賠款計每月司庫及撥補釐金共應攤解銀一萬二千四百九十九兩九錢九分九釐自光緒二十七年十二月第一期起至三十一年五月第六期止均按月解清奏報在案茲查自三十一年六月第七期起至十一月第十二期止共銀六萬一千四百九十九兩九錢九分六釐並補零尾銀八釐又關平每百兩加補水銀一兩六錢四分三釐計銀一千一百兩四錢四分三釐並補零尾銀四釐統共庫平銀六萬二千五百一十兩四錢五分一釐均按月解交江海關道兌收彙付現屆半年期滿據蘇州布政使濮子潼具詳請 奏前來臣覆核無異除分咨外務部戶部查照外理合會同署兩江總督臣周馥附片陳明伏乞 聖鑒 奏奉 硃批該部知道欽此

陸元鼎片 再蘇省前歲歲徵耗羨不敷濟用 奏明在地丁銀內接年酌撥支放嗣奉部飭蘇省耗羨不敷准借蘆維等款不准再動地丁等因業經先後在于蘆課等款內共借撥過銀一十三萬三千八百兩收入耗羨支放均經附片奏明在案茲據蘇州布政使濮子潼詳稱耗羨一款司庫存數無多不敷動放再于光緒二十八年蘆課款內借撥銀一千兩三十一年蘆課銀三百兩三十一年雜稅銀五千五百兩三十一年債脚銀一千二百兩共銀八千兩收入耗羨以資支放等情謹請具奏前來除仍飭催各屬將荒田一律開墾復額俟解款充裕即行停止並咨戶部查照外理合附片具陳伏乞 聖鑒謹 奏奉 硃批戶部知道欽此

周馥片 再江蘇徐州土藥行銷本省每百斤向徵稅銀三十三兩新案賠款膏捐銀十二兩上年復經臣兩次飭加膏捐共銀十三兩湊撥江北練兵經費聲明本年如何籌加再行舉辦業經 奏明在案惟查江北創練新兵一鎮開辦經費約需銀一百六七十萬兩常年經費亦須一百四十萬兩前以徐士新加膏捐專鹽課釐增銷盈餘整頓淮安關增收稅銀暨裁撤常備左軍餉需等項 奏請分別抵撥不敷尚鉅若不設法籌補將來無款應付恐誤事機茲經臣飭據徐州道袁大化電稟各省土藥改辦統捐如能比較土質優劣一律酌加商人貴買貴賣無法避就應無異說但徐州土藥每百斤現收稅捐銀五十八兩當此銀貴錢賤比別省兼收錢款合銀計算者商人已有暗耗兼之質薄味淡遠邇川土再四籌思擬酌加膏捐銀十二兩連前原有稅捐共徵銀七十兩倘此後銀價有漲無落或各省辦法一有通融開數即經把握等語臣查籌款之難久已計窮力竭祇能得尺得寸暫顧目前擬即將此項續加徐州土膏捐一併撥歸江北



練兵經費之用飭令徐州道照此試辦日後如有應行增減之處隨時察看情形辦理除電飭徐州道于正月十五日

示諭士商加收膏捐並咨明財政處暨戶部外所有徐州士藥再加膏捐撥江北練兵經費緣由理合會同江北提督

臣劉永慶附片陳明伏乞 聖鑒謹 奏奉 硃批財政處戶部知道欽此

太子少保北洋大臣直隸總督兼管長蘆鹽政臣袁世凱跪 奏為豫岸鹽價加價一文每年責令商人包繳銀六萬兩

以濟豫餉案摺仰祈 聖鑒事竊查前准戶部咨議豫省練兵需款請將鹽價暫停續增二文加價照案規復由豫

設局稽徵一摺以蘆鹽能否再加二文未便遽為懸斷奏飭不分畛域和衷商榷會同復奏報部核辦等因當經行司遵

照辦理去後茲據長蘆鹽運使陸嘉穀詳據南引商人晉益恒等稟稱竊查豫省行銷蘆鹽東淮浦四綱之鹽長蘆引岸五

十二州縣多與淮潯境接壤從前雖偶被各綱充斥向不甚重近十數年來惟受山東浸灌最甚在未經平價之先蘆綱

鹽價即較東綱昂貴業已充斥迨上年平價後東綱未加分文月與東境交界引岸銷數愈形疲滯雖商等添設卡防嚴

挈越境然防不勝防未收寸效是以歷屆加價之案迭經稟懇減免以保銷數現在豫省急需籌餉商等辦理豫岸礙難

膜視第值細情異常艱窘委係無從籌措萬不得已擬請自光緒三十二年(即光緒二十六年)起豫岸五十二州縣鹽價每斤再加制錢一

文仍援舊章每日交銀三錢分六臘月兩次呈交運庫每年按實領引數核銀儘數解以期兼顧等情該司會該商等

所稟豫岸受充礙難加價雖係實情惟豫省現練常備一軍需餉甚急亦當設法代籌應如該商等所請將豫岸鹽價每

斤再加制錢一文仍照舊章每引交銀三分無論領引多寡每年責令包交銀六萬兩分六臘兩月呈交以濟要需該商

等所請按實銷引數核交之處應毋庸議等情詳請會同奏咨前來臣查豫岸鹽價較東鹽昂貴鄰私充斥無法嚴防

若再加價二文行銷並滯惟豫省練軍需款亦難置為緩圖現擬每斤加價一文由南引蘆商每年包交銀六萬兩豫省

無常年的款既可稍資挹注且免派員設局所省經費亦多臣與調任河南撫臣陳夔龍往返電商意見見相同合無仰懇

天恩俯准將豫岸鹽價自光緒三十二年(即光緒二十六年)起每斤再加制錢一文仍照舊章每引交銀三錢無論領引多寡每年責

令商人包交銀六萬兩以濟豫餉除咨部查照外理合會同河南巡撫臣陳夔龍恭摺具 奏伏乞 皇太后

皇上聖鑒訓示謹 奏奉 硃批戶部知道欽此

太子少保北洋大臣直隸總督臣袁世凱跪 奏為核明新易鐵路工程用款造冊報銷恭摺仰祈 聖鑒事竊臣于

光緒二十八年九月間欽奉 寄諭飭由新城縣之高碑店接造鐵路直達易州之黃新莊限六箇月內報竣當經派

員估約需工款銀六十萬兩急切無可籌措即經奏請 敕部撥款三十萬兩聲明不敷之項由臣在于本省稅課

項下設法籌撥欽奉 硃批著照所請戶部知道欽此旋經戶部在于山西應解部庫捐款項下提撥銀十萬兩陝西

海關道由津關洋稅項下如數撥挪支撥應用得以無誤工需均經奏明在案伏查此項工程自高碑店至良谷莊止

文苑

朝鮮王妃閔氏遺像

十芳子來稿

夜犯驚儀殿。玉階血灑桃花片。臘酒難招海國魂。披圖喜識春風面。本是優曇歷劫身。華髮妙麗似天人。修眉月掃

寶雲堆。漢苑春。坤靈久正中宮位。祿祐玉冊君王賜。火齊珠懸玳瑁牀。水沈香熱鴛鴦被。雉尾雲移宮扇開。班

婕威驚異。婉愉能得太妃憐。英察偏遭院君忌。朝鮮大院君李是應王之本生父當以罪棄銅索恩閔氏乙未之



籌國計裁供御認每念時艱却妝盡日深宮眉不展傷心君主是房王太息遺不造頻年血染宮門草間備難世懷  
無依(光緒壬午李呈應據王宮爲變)淮汜兵來愁不保(甲申又有金朴之亂)逆首方懸獨柳前(甲午金逆被刺  
於滬載歸焚屍)蒼頭突起全羅道(是年東學黨倡亂於全羅道遂啓中東之釁)兵火倉皇淚滿衣鏡中自惜韶顏  
老(按韓王同治二年生妃年歲無考使與王年相若則中東難作時甫逾三十明年遂及禍)從此君王在豆田金甌  
殞破亡經年利戎且喜烽煙息改朔方期國脉延(乙未中東和議成朝鮮始建正朔)漢陽一夕罡風惡槐棺未埽軒  
轅落奪門徐石妄邀功(是年八月亂黨擁大院君入宮遂弑閔妃)留戍花門偏助虐(駐韓日本公使三浦氏實主  
其謀)宮甲嘉興五鳳樓禁門已斷雙魚鑰元妃聞變起從容手擲菱花罷梳掠一自黃龍起闕廷久拚玉骨填溝壑好  
將一死答君恩今日人天脫縛縛歷盡艱難證宿因遠天彷彿聞笙鶴可惜青絲六尺長階前牽挽橫霜錫仗后身職長  
樂宮麗華夢斷隔春閣一樹穠花到地消昨宵春夢海棠嬌彩雲影散(按宮冷夜月魂歸碧海遙木覓山頭起烟霧鬼車  
夜叩宮中樹失母悲啼青雀兒)世子妬閔妃出)伏尸悽絕黃牛軀(妃母聞變自裁)一代紅顏國史光千秋碧血  
寒泉活(妃被弑後棄尸於井)此際韓王慘不舒心情顛倒枉欲嘯感甄未見傳篇什廢郭偏聞降璽書(亂黨逼王  
下廢妃之詔)驅龍睡熟蛟蚪舞宗祏不絕垂如縷扶輪還賴友邦賢朝綱重整差安堵先拜瑤華復故妃更向沙邱因  
主父(駐韓各國公使會議捕獲亂黨幽囚大院君復妃故號改葬成禮)罪已千言詔令頒豪街駢首到羣姦可憐食  
鴆鴿巢肉難贖青娥一命還珠襦玉匣喪儀整撥盡荆榛見晉井泉畔斜陽如生嬌紅血浴芙蓉頸縶首蛾眉絕代人  
一棺穗帳秋風冷土女齊簪白奈花詠詞製出紅薇省話到昭儀舊日恩六宮嬪御添悲哽禁川橋下水常流可憐曾照  
驚鴻影蘭摧玉折劇堪傷小影流傳姓氏香家國愁多蟬鬢亂山川秀聚翠蛾長帷房逸豫懲嬖姐宮壺清嚴陋漢唐千  
載明夷有家法艱貞蒙難到紅粧九歌我欲重編次直把湘君併國殤

戶部銀行代收國民捐清單

護軍斌忠 一元 義作手藝尹文福 一元 子瑞彬 一元 宗室溥意姪毓璿 一兩八錢 戶部筆帖式寶宗  
十兩 廣義德 一元 劉蘭亭祖母閻氏 一元 劉蘭亭母左氏 一元 劉蘭亭 一元 劉蘭亭妻劉氏及  
子雙全雙馨 二元 陳諱卿 二元 戶部郎中宋壽徵 九十三兩九錢 李啓琛 九十三兩九錢 唐瑞銅  
九十三兩九錢 戶部筆帖式錫璋 十兩